



Kajitōk ko Ekut Kajitōki ilo Melele in Kajinet ñan Bar Bellok

len Kakobaba ko, Ibben Doon ko Iloan Em (Kar kōkkāāl 8-20-2020)

Ijin lal ej uwaak ko ñan Kajitōk ko ekut Kajitōki (FAQ ko) kin Maroñ kin Ejmour eo an Oregon (OHA) [Melele in Kajinet in Aoleben State eo kin Kakobaba ko, Ibben Doon Iloan Em](#). OHA ej lewaj uaak in Kajitōk kein ñan jiban armij melele melele in kajinet eo, ñan uaake Kajitōk ko an armij ro rej jokwe ijo, im ñan kalikar wewein an melele in kajinet kein maroñ jermal ñan jejjetin wewein ko. Kajitōk kein ekut kajitōki remaroñ naj kōkkāāl jen ien ñan ien. Kajitōk kein rekut kajitōki rar jab kōmman ñan binej jenkwān melele in kajinet eo, ak ñan ukōte, kōlablok, im jibañ kanne tibdik in melele ko.

K1: Kwōmaroñ ke jouj im letok juon ukok ak melele in kajinet kin ta eo rej lōmnak ej juon ‘kakobaba in kakien’?

U1: Juon kakobaba in kakien ej juon kumi in armij rej koba ibben doon in lale juon abōnōnō in kakien einwōt, juon board in jikuul ak kwelok an juon bukōn.

K2: Elañe juon jikin enaj wōr an jikin ko iloan em im inabōj, emaroñ ke wōr lablok jen juon kakobaba ilo jikin kein jimor kin joñan armij eo elabtata ilo kajojo kakobaba kein?

U2: Joñan eo elabtata kin armij ro remaroñ bed enaj etal ñan kajojo jikin ko rejenolok elañe:

- armij ro me rej etal ñan jikin kein rejenolok rebañ kebaak doon, ekoba aer jab kōjermal ejja imōn kabojak ko; *im*
- ejenolok jikin deloñ im diwōj ko an kajojo kakobaba ko.

K3: Ta melele in kajinet eo ikijen an armij koba ibben doon ñan kwalok abōnōnō?

U3: Kwalok abōnōnō ej kakobaba in kien im rej aikuj loor joñan armij ro elabtata ñan joñan jikin eo rej bed ie ñan Alen eo county eo ej bed ie ilo tōre eo.

K4: Ta melele in kajinet eo ñan wain in etetal inabōj im kumi in armij ro rej etetal ñan bijnej ko reoktak?

U4: Ilo ien bed ilo juon etetal in wain, armij ro rej bōk kwōnaer rej aikuj loor [Melele in kajinet eo an aoleben state eo ikijen kakobaba ko, im Ibben Doon Iloan Em](#). Elañe armij ro rej bōk kwōnaer renaj deloñe bijnej ko rebed iomwin melele in kajinet eo an OHA (waanjoñak, imōn mōñā restaurant ko, im imōn wia ko), rej aikuj loor melele in kajinet eo me ej jermal ñan bijnej eo.

K5: Joñan jemlok eo ikijen kakobaba ñan 50 armij iloan em im 50 armij inabōj ej ke melelein 50 aoleben joñan eo?

U5: Elañe ewōr ruo kakobaba ko rejenolok renaj kōmman ilo ejja ien eo, juon iloan em im juon inabōj, kajojo kakobaba emaroñ wōr lok ñan 50 armij. Armij ro renaj kobalok ñan kakobaba ko rejenolok reaikuj jab kebaak doon, ekoba jab kōjerbal juon wōt imōn kabojak im reaikuj kōjerbal jikin deloñ im diwōj ko rejenolok.

Elañe juon makūtkūt ej kōmman im ewōr jikin ko iloan em im inabōj jimor, eban lablok jen 50 armij ilo aoleben jikin kein ilo jabdewōt ien.

K6: Jete joñan jemlok eo ñan kakobaba ñan ilomej?

U6: Ilo Alen Juon, joñan jemlok eo elabtata ñan kakobaba ej 50 armij iloan em, 50 armij inabōj. Ilo Alen Ruo, joñan jemlok eo elabtata ñan kakobaba ej 50 armij iloan em, 100 armij inabōj. Ilo Alen Ruo, elañe ilomej eo enaj kōmman ilo juon jikin ak jikin makūtkūt (ewōr mōñā rej ajej, rej kōjerbal jikin ko ibben doon, im men ko jet), Melele in Kajinet eo an Makūtkūt ilo Alen Ruo enaj jermal (im kōmelim lok ñan 100 armij iloan em im 250 inabōj, bōtab en jab lablok jen 250 tarlepin joñan eo).

K7: Jikin ko iomwin Alen Ruo rej kōmelim 100 armij iloan em ak 250 armij inabōj, bōtab rej aikuj bar loor wōtar eo ikijen Kakobaba, im ej 50 armij iloan em ak 100 armij inabōj. Kwōmaroñ ke kalikar?

U7: Joñan jemlok eo elabtata ñan jikin eo emōj kalikar ilo [Melele in kajinet eo an aoleben state eo ikijen Kakobaba, Iloan Em im Ibben Doon ko](#) rejab jermal ñan kakobaba ak ibben doon ko iloan em im rej kōmman ilo juon jikin edeloñ iomwin [jejjetin-kilaaj an Oregon melele in kajinet eo an Maroñ eo kin Ejmour \(OHA\)](#), bwe jikin ko ewōr joñan jemlok ko elabtata im mo ko jet. Jejjetin kilaaj kein ñan melele in kajinet eo an OHA ej jermal ñan ekoba, bōtab ejab jemlok wōt kin jikin ko, imōn mōñā restaurant im baar ko, jikin imōn wia, im jikin kamōnōnō ko iloan em im inabōj, droulul eo ikijen kaboñboñ, jikin jelālokjen reutiejlok, jikuul ko, im būrokraam ko rej lale ajiri.

K8: Marre ko rej ke lōmnak einwōt ibben doon ak kakobaba ko iloan em?

U8: Marre ko rej kakobaba ko im rej aikuj loor joñan jemlok eo elabtata ñan kakobaba iomwin Alen eo emōj kōweppān ñan county eo. Elañe marre eo ej kōmman ilo juon jikin iloan county eo ebed iomwin Alen Ruo, innem marre eo aikuj loor [Jikin im Makūtkūt an Alen Ruo Melele in Kajinet an Rikōmadmōd ro](#). Ilo Alen Juon, marre ko rej aikuj loor Melele in Kajinet eo an Kakobaba ko, im Ibben Doon ko an Iloan Em.

K9: Jikuul ko rej ke aikuj loor melele in kajinet eo an OHA ikijen kakobaba?

U9: Jab. Jikuul ko rej aikuj loore an Oregon Ra In Jelālokjen [Melele in Kajinet eo kōn Jikuul ko Rebojak, Rikatak ro Rej Kejbarok an Yiō in Jikuul 2020-21](#).

K10: Imōn jar ko rej aikuj loor melele in kajinet eo an kakobaba ñan makūtkūt ko aer rekkā ke remaroñ loor melele in kajinet eo an jikin im makūtkūt ko?

U10: Imōn jar ko rebed ilo county ko rebed iomwin Alen Juon rej aikuj loor [Melele in Kajinet eo an aoleben State eo kin Kakobaba ko, Ibben Doon ko Iloan Em](#) ñan makūtkūt ko aer rekkā. Imōn jar ko rebed ilo county ko rebed iomwin Alen Ruo remaroñ loor [Melele in Kajinet eo an Rikōmadmōd an Jikin im Makūtkūt ilo Alen Ruo](#) ñan makūtkūt ko aer rekkā.

K11: Melele in kajinet rot eo aikuj loor kwelok ko ñan kemourur (einwōt Alcoholics Anonymous) loor ilo Alen Juon im Alen Ruo?

U11: Kwelok ko ñan jimor kemourur ibben doon rej aikuj loor ruo melele in kajinet ko:

1. Melele in kajinet eo an kilaaj an OHA, elañe ekkar, enaj kōmman jen itu ia eo jikin kwelok eo. Waanjoñak, kwelok ko rej kōmman ilo mweo imōn juon armij aikuj loor melele in kajinet eo ikijen ibben doon ko iloan em. Kwelok ko rej kōmman iloan imōn jar rej aikuj loor melele in kajinet ikijen kakobaba ko iomwin Alen Juon im melele in kajinet eo an jikin im makūtkūt iomwin Alen Ruo. Kwōmaroñ loe laajrakin kilaaj ko reoktak im jikin ko remaroñ bed iomwin [ijin](#).
2. [Melele in Kajinet eo an Aoleben State eo ikijen Kakobaba, Ibben Doon Iloan Em.](#)

K12: Rikōmadmōd ro an ruum in ikkure, einwōt poker, bunco, im bingo, rej aikuj loor melele in kajinet eo an kakobaba kein ke ta kakobaba kein rej ke ibben doon ko iloan em?

U12: Elañe juon rikōmadmōd ruum in ikkure ej kōmmane ikkure in poker, bunco, ak bingo, eban likūt ibben doon ko an iloan em. Innem, [Melele in Kajinet eo an aoleben State eo ikijen Kakobaba ko, im Ibben Doon ko Iloan Em](#) enaj jermal. Ñan ruum in kaaj ejab an jowi ebed iomwin juon county ilo Alen Ruo im ebed ilo juon jikin ak imōn mōñā restaurant ak bar, waanjoñak, melele in kajinet eo an jejetin kilaaj eo enaj jermal.

K13: Melele in kajinet ta eo droulul ko an fraternity rej loor ñan joñan jemlok in kakobaba ko? Juon kwelok ilo juon imōn Elks Lodge ej ke likūt einwōt juon ien ibben doon iloan em?

U13: Juon kwelok ilo Elks Lodge ejab juon ien ibben doon iloan em im aikuj loor joñan jemlok eo elabtata emōj kalikar ilo [Melele in Kajinet eo an aoleben State eo ñan Kakobaba im Ibben Doon ko Iloan Em](#) ñan county eo im Lodge eo ej bed ie.

Elañe juon droulul in fraternity ej kōmadmōd mōñā ak arkool, ej aikuj bar loor [Melele in Kajinet eo an Imōn Mōñā Restaurant im Baar iomwin Alen Juon](#) ak [Alen Ruo](#) ñan county eo im ej bed ie.

K14: Ewōr joñan jemlok emōj laajrak ñan ibben doon ko an armij iloan em. Ewōr ke joñan jemlok ñan ibben doon in armij inabōj?

U14: Juon kumi in armij inabōj, ñan jabdewōt wūn, ej juon kakobaba im aikuj loor joñan jemlok eo emōj kalikar ilo [Melele in Kajinet eo an Aoleben State eo kin Kakobaba ko, im Ibben Doon](#)

Maroñ riiti beba in: Ñan armij ro im elōñ aer utamwe ak armij ro im rejelā juon bar kajin im ejab Kajin Belle, OHA emaroñ lelok melele ko ilo wewein ko jet einwōt ukok ko, jeje kileb, ak jeje ko an ripilo. Kebaak Mavel Morales ilo 1-844-882-7889, 711 TTY ak OHA.ADAModifications@dhsaha.state.or.us.